



ՄԱՅՐ ԱԹՈՌԻ ՏՊԱՐԱՆԻ ՎԵՐԱԲԱՑՄԱՆ ՏԱՄՆԱՄՅԱԿԸ

Մեպտեմբերի 2-ին լրացավ Մայր Աթոռի տպարանի վերաբացման տասնամյակը:

Վեհափառ Հայրապետի գահակալության տարիներին կատարված հոգևոր-մշակութային փառավոր նվաճումներից մեկն էր հանդիսանում Մայր Աթոռի երթեմքի տպարանի վերաբացումը՝ որպես մշակութային մեծ իրադարձություն:

Մայր Աթոռի տպարանը, որը վերաբացվում էր նվիրատվությամբ ամերիկահայ մեր հավատավոր ու հայրենասեր ժողովրդի, սրտագին արտահայտությունն էր նրանց որդիական սիրտ և հավատարմության դեպի Մայր Աթոռ ա. Էջմիածինը, դեպի նրա արժանքների գահակալը, դեպի հայրենի մշակույթն ու գիտությունը:

Հայոց Հայրապետը Մայր Աթոռի տպարանի հանդիսավոր բացման առիթով 1961 թվականի հոկտեմբերի 16-ին գրած իր սրբատառ կոնդակում խանդավառորեն և լավատեսությամբ ավետում էր, որ Մայր Աթոռի նորաշեն տպարանը «կոչված է լույսի նոր վառարան մը դառնալ մեր եկեղեցիին և համայն հայ ժողովուրդի կյանքին մեջ»:

Հայրենի հողին վրա, սուրբ Էջմիածնի այս սրբազան հողի տակ, լույսի աղբյուր մը ևս սկիզբ կառնե, ոռոգելու համար հոգևոր անդաստանը մեր ժողովուրդին և բաշխելու անոր հոգևոր սնունդ, գիտություն և մշակութային արժեքներ»:

Տալը տարիներ են անցել պատմական այդ թվականից, և Մայր Աթոռի տպարանն

իր հրատարակչական գործունեությամբ արդարացրել է Հայոց Հայրապետի հույսերն ու ակնկալությունները՝ լույս ընծագելով մեր հոգևոր մշակույթի, հայ դպրության, արվեստի, գիտության հին և նոր գանձերը:

Վեհափառ Հայրապետի բարեհաճ կարգադրությամբ «Էջմիածին» ամսագրի խմբագրությունը և Մայր Աթոռի տպարանի տեսչությունը հանդիսավորապես նշում են տպարանի վերաբացման տասնամյակը:

Մեպտեմբերի 14-ին, երեքշաբթի օրը, Վեհափառ Հայրապետը, տ. Հայկազուն, տ. Հուսիկ սրբազանների, Մայր Աթոռի միաբան վարդապետների և բաժնի վարիչների ընկերակցությամբ, ժամանում է տպարան, որի գլխավոր մուտքի առջև տեսչությունն ու տպարանի աշխատակիցությունը սրտագին ծափերով դիմավորում են Հայոց Հայրապետին և առաջնորդում տպարանի հանդիսության սրահը:

Հանդիսությունը ներածական խոսքով բացում է տպարանի առաջավոր գրաշար Ռոզա Հակոբյանը:

Մայր Աթոռի տպարանի տեսուչ Մ. Միմապյանը հետևյալ ճառով ողջունում է Հայոց Հայրապետին.

«Վեհափառ Տեր.

Այս տարի, մեպտեմբերի 2-ին, լրացավ Մայր Աթոռ ա. Էջմիածնի նոր տպարանի վերաբացման տասնամյակը:

Մայր Աթոռի նոր տպարանի վերաբացումը, որը սրտագին նվերն էր ամերիկահայու-

թյան, Ձեր հայրապետության օրով հանդիսացավ մշակույթային մեծ ձեռնարկություն Եւայր Աթոռի կյանքում և Ձեր հայրապետական գահակալության բարեբաւտիկ տարիներին:

Հայ տպարանի բացումն ու գործունեությունը Մայր Աթոռի հովանու տակ և Ձեր օրհնության ներքո շարունակությունն է հանդիսանում Սահակ-Մեսրոպյան մշակութային, հայրենասիրական մեծ առաքելության հայ ժողովրդի կյանքում:

Անցնող տասը տարիների ընթացքում Մայր Աթոռի տպարանի տեսչությունն ու ողջ աշխատավորությունը մեծ սիրով են կատարել միշտ Ձեր Վեհափառության գլխավորած հրատարակչական գործը Մայր Աթոռի մէջ:

Ձեր գիտությանը և համաձայնությանը Մայր Աթոռի տպարանում տպագրվել են հայ մշակույթի, հայ արվեստի և հայ դպրության վերաբերյալ բազում արժեքավոր աշխատություններ՝ մանավանդ Հայաստանի գիտությունների ակադեմիայի պատվերով:

Անցնող տասը տարիների ընթացքին Մայր Աթոռի տպարանից լույս են տեսել բազում հրատարակություններ՝ թերթեր, ամսագրեր՝ մեծ տպաքանակով:

Վեհափառ Տեր, Դուք միշտ հայրական հոգատարությամբ եք շրջապատել տպարանի ողջ աշխատավորությանը, գնահատել և քաջալերել եք միշտ պարգևներով և դրամական օժանդակությամբ: Այդ բոլորի համար և մանավանդ տասնամյակի առթիվ Ձեր գույց տված հայրապետական ուշադրության և նվերների համար հալտնում ենք խորին շնորհակալություն՝ տպարանի տեսչության և ողջ աշխատավորության անունից:

Բարի եկաք, Վեհափառ Տեր, Ձեր տունը, մշակույթային այս հաստատությունը:

Այժմ խնդրում ենք Ձեր օրհնության խոսքը:

Մայր Աթոռի տպարանի վերաբացման տասնամյակին նվիրված հանդիսության ժամանակ խոսք է աւնում Վեհափառ Հայրապետը, Իր ուրախությունն ու գոհունակությունը հայտնում այս առթիվ, շնորհավորում տեսչությանն ու աշխատավորությանը, շեշտում, որ Մայր Աթոռի տպարանի հաստատումով և գործունեությամբ մի անգամ ևս փառավորվում է ս. Էջմիածինը և լցվում կենդանությանն ճոր ավյունով՝ շարունակելու համար իր հոգևոր, մշակութային ու հայրենասիրական առաքելությունը նաև մեր օրերին՝ ի փառս հայ մշակույթի և ի բարօրություն հայրենյաց ու ժողովրդի:

Իր խոսքի մէջ Վեհափառ Հայրապետը Իր

օրհնությանն ու գնահատությանն է արժանացնում նաև ԱՄՆ-ի հայոց մեր երկու թեմերի ազգային-եկեղեցական իշխանություններին և հավատավոր ժողովրդին, որոնց ջանքերով և նվիրատվությամբ վերաբացվեց Մայր Աթոռի տպարանը: Վեհափառ Հայրապետը առանձին կարևորությամբ նշում է ԱՄՆ-ում տասը տարիներ առաջ Մայր Աթոռի տպարանի հանգանակիչ հանձնաժողովի և նրա եղանակով, անձնվեր նախագահ, Մայր Աթոռի հարազատ զավակ Երվանդ Աղաջանյանի կատարած սրտագին ջանքերն ու աշխատանքները՝ տպարանի վերաբացման շնորհակալ գործում:

Հանդիսության ավարտին Վեհափառ Հայրապետը տպարանի տեսչության կողմից հյուրասիրվում է հայրենիքի բարիքներով՝ խաղողով, տանձով ու դեղձով:

Մայր Աթոռի տպարանի վերաբացման տասնամյակի ուրախ առիթով Վեհափառ Հայրապետը բարեհաճում է հետևյալ հեռագրերը հղել ԱՄՆ: Առաջին հեռագիրը ուղարկում է ԱՄՆ-ի հայոց թեմի առաջնորդ տ. Թորգոմ արքեպ. Մանուկյանին:

«Մայր Աթոռիս ճոր տպարանի հիմնադրման տասներորդ տարեդարձի առթիվ պատր. 14 սեպտեմբերին տպարանի հարկի տակ հավաքված բոլորս երախտագետ սըրտով հիշեցինք ամերիկահայ մեր հավատացյալ ժողովուրդը, թեմական խորհուրդը և հանգանակիչ մարմինը՝ ի գլուխ տիար Երվանդ Աղաջանյանի, որոնք սքանչելի նվիրումով և առատաձեռն նվերներով հիմնեցին մեր ճոր տպարանը: Սուրբ Էջմիածնի մէջ միշտ պայծառ կայանվի այս հիշատակը:

Աստված անասան Կառնե մեր սուրբ Էջմիածինը և լուսավորչահիմն հայրապետական Մայր Աթոռը:

Աստված շեն ու բարգավաճ Կառնե ամերիկահայ մեր հարազատ ժողովուրդը»:

Վեհափառ Հայրապետը երկրորդ հեռագիրն ուղարկում է Կրն. Երվանդ Աղաջանյանին:

«Սուրբ Էջմիածնի տպարանի բացման տասներորդ տարեդարձի առթիվ սիրով կրհեցե՛ք ձեզի Մեր օրհնությունը: Մայր Աթոռի մէջ երբեք չենք մոռնար ձեր անձնվեր, անխնայ աշխատանքը մեր տպարանի ստեղծման համար: Այսօր տպարանի մէջ համաժամ սեղոյ շրջանակով բոլորս հիշեցինք ձեզ երախտաւարտ սրտով: Կհուսանք օր մը մեր մէջ ունենայ ձեզ և ձեր շատ ազնիվ տիկինը: Աստված ձեր երկուքին երկար կունք պաքակե երջանիկ օրերով:

14-ր սեպտեմբերի 1971 թ.,

Ս. Էջմիածին»